

BIRASMINISTERIJA LEA ÁSAHAN EAMIÁLBMOGIID ÁRBEDIEĐU GIEĐAHALLI ARTIKLA 8J ÁLBMOTLAŠ ÁŠŠEDOVDIJOAVKKU

Birasministeriija ásahan biodiversitehtabargojoavku, man bargun lea ovddidit ja čuovvut Suoma luonddu mánggahámatvuoda gáhttema ja suvdilis geavaheami strategiija ja doaibmanprográmma *Luonddu beales – olbmo ávkin* - ollašuvvama, mearridii čoahkkimis 17.12.2008 evttohit, ahte birasministeriija áсахivčče bargojoavkku gieđahallat eamiálbmogiid árbedieđu.

Birasministeriija lea ásahan 18.6.2009 biologalaš mánggahámatvuoda guoskevaš oktasašsoahpamuša eamiálbmogiid árbedieđu gieđahalli artikla 8j álbmotlaš áššedovdijoavkku. Bargojoavkku bargun lea koordineret Suoma luonddu mánggahámatvuoda gáhttema ja suvdilis geavaheami strategiija ja doaibmanprográmma 2006 - 2016 dárkkuhan eamiálbmogiid árbedieđu guoski doaimmaid. Lassin bargojoavku galgá skáhppot lasi dieđuid artikla 8j:i gullevaš bargo- prográmma sisdoalus ja ulbmiliin erenomážit Suoma sámiid dáfus. Bargojoavku ovddida 8j artikla heiveheami Suoma sierra ministeriijaid ja čanasjoavkkuid ovttasbargguin ja maiddái addá bealistis ávžžuhusaid oktasašsoahpamuša heiveheamis ja ollašuttimis Suomas. Bargojoavkku doaibma- áigodat lea 18.6.2009 – 31.12.2010.

Bargojoavkku ságajodiheaddjin nammaduvvui Sámedikki ságajodiheaddji Klemetti Näkkäljärvi ja várreságajodiheaddjin birasráđdi Esko Jaakkola Birasministeriijas. Bargojoavkkus Sámedikki ovd- dastit lassin boazoisit J. Antti Magga ja Sámedikki lahttu Heidi Eriksen.

Biodiversitehtasoahpamuša artikla 8 j geatnegahtá, ahte *guhtege soahpamušbealli galgá vejolašvuodaid mielde ja heivvolaš osiin álbmotlaš láhkaásaheami mielde gudnejahtit, gáhttet ja doalahit eamiálbmogiid ja báikkálaš servošiid dakkár oahpa, hutkosiid ja geavada, mii gullá biologalaš mánggahámatvuoda gáhttema ja bistevas geavaheami dáfus mearkkašahtti árbevirolaš eallinvugiide, ja ovddidit ja viiddidit daid heiveheami máinnašuvvon servošiid lobiin ja vehkiin ja maiddái roahkasmahttit oahpas, hutkosiin ja geavadis ožžojuvvon ávkki dássebeallásaš juohkima.*

Sámedikki ságajodiheaddji Klemetti Näkkäljärvi atná bargojoavkku vuodđudeami historjjálažžan ja dehalažžan. ” Biodiversitehtasoahpamuš vuollái čállojuvvui jagis 1992. Dál, 17 jagi soahpamuša vuolláičállima manjá, artikla 8 j álgojuvvo heivehuvvot Suomas. Suopma lea álgojalgejeaddji biodiversitehtasoahpamuša heiveheamis eamiálbmogiid vuhtiiváldima dáfus. Birasáššit leat Suoma sámiide ja Sámediggái hirbmat dehalaččat. Lean ilus Birasministeriija čatnaseamis sámiid sajádaga buorideapmin. Jáhkán, ahte bargojoavkobargguin sáhttit eastadit ruossalasvuodaid eanageava- heamis ja ráhkadit doaibmanrávvagiid mo sámiid eamiálbmotsajádat ja dasa gullevaš vuoigatvuodát vuhtii váldojit eanageavaheami plánemis ja sámiid ruovttuguovllu hálddašeamis. Bargojoavkobargu lea erenomáš dehalaš árbevirolaš sámealáhusaid dáfus ja jáhkán ahte bargojoavkobargguin sáhttit ráhkadit evttohusaid ja ávžžuhusaid mat ovddidit sáme kultuvrra ja dasa gullevaš árbevirolaš ealáhusaid sajádaga.”

Lassidieđut: Sámedikki ságajodiheaddji Klemetti Näkkäljärvi,
klemetti.nakkalajarvi@samediggi.fi, 050-5242109